



賦海補遺卷之二十五

沛國子威劉鳳

四明緯真屠隆同輯

嘉禾逸之周履靖

金陵書林葉如春繡梓

飛禽部

翟雉

鶯

鴿

鷓鴣

鳩

反舌

鸚鵡

啄木

燕 燕巢 秋燕辭巢 子規

大雀 黃雀 鷦鷯 鶻鷁

鵝 野鵝 鷄 長鳴鷄

山鷄 鬪鷄 鴨 野鶩

野鶩 江曲孤鳧 鬪鳧 鶻

擒鳥

翟雉賦 晉王叔之

余在荆楚見人有養雉翟二鳥者慨然

感之而為賦云

含野氣於人途信多懼而少嘉雉見質而不陋

翟表文而弗華映寒條之始綠發冬秀之

雉彩翰而獨矧翟絳羽而偏嘉不美白鶴之潔

豈讓丹鳳之華啄藍田之玉粒宿閨苑之瓊葩

履靖次韻

鶯賦 晉王暉妻鍾夫人

嘉京都之鶯鳥冠群類之殊形擢末軀於紫闥

超顯御乎天庭惟節運之不停懼龍角之西頽
慕同時之逸豫怨商風之我催

值條風之淡蕩聲曉曉而舒形時恰恰於垂柳
恒關關於空庭遷喬木而弗停出幽谷而不頽
戀玉樓而飛繞恨節序之相催

履靖

鴿賦

周履靖

號飛奴而傳書札擅旋室而響竹鈴乃重花毛
之狀所貴線眼之睛羨羨兮錦背欣媚兮粉翎

羽色而殊燕雀鈴鳴而異簫笙任搖曳於幽砌
肆盤桓於空庭性柔易馴狎養息厚敢忘歸程
爭翻而傍屋索食而近人聞聲而厭音惡奮翼
而喜翰輕高搏認房而下遠翔識主而停向青
霄而結陣投朱扉而成群朝翩翩於郊陌暮還
宿於門闌

鷓鴣賦

周履靖

憐無野雉之狀喜有山鷄之形爽脰恍如綵色

錦羽疑似湘紋啼曉而能啼暮報雨而又報晴
入非花而啄嘴立芳草而修翎相對栖枝而影
疊成群穿樹而翼輕投館外而宿蒼梧叫竹裏
而闌黃陵統春山而低飛隱晚樹而息鳴耳畔
度而凄思曲中聽而斷魂歌女唱而眉豁遊子
聞而泪傾旅夜而愁客况郵亭而感人心呼徹
荒村落照喚殘古廟深更

鳩賦

晉傅咸

集茂樹之蔭蔚登弱枝以容與體郁郁以敷文
音邕邕而有序情欽樂而是悅遂籠之於前寓
爾乃飲以神泉食之稻梁朝憩椒途夕宿蘭房
時連翩於庭阿見飛燕之頡頏慨感物而哀鳴
聲楚切以懷傷仰華林而矯翼紛憎逝而高翔
棲長林之芳蔚馴喬木而容與擇丘虛而飛旋
知陰晴之時序向郊野而流聲入叢藩而悉寓
爾乃吸之以泉啄之以梁童捕於掌身籠於房

與樛燕之爲契美山雀而頡頏羽斑斑而堪愛
聲喔喔而動傷志甘心而潛息何舉翼而翱翔
履靖次韻

反舌賦

梁沈約

咨玄造之大德播含靈於無小有反舌之微禽
亦班名於庶鳥乏嘉容之可翫因繁聲以自表
其聲也驚詭遵噴紫紆離亂駢浮迴合出危瑣
散或發曲無漸或收音去半既含意於將曉亦

流妍於始且雜沓逶迤噉跳參差攢嬌動葉促
嚼榮枝分宮析徵萬矩千規因風起哢曳響生
奇對芳辰於此月屬今余之遵暮倦城守之誼
疲愛田郊之閑素眷春物而懷之聞好音於庭
樹

大造之德而洪產靈物而無小調春音之舌端
哢綿蠻之奇鳥無翠羽以爲容有新聲而自表
其體也粉質黑章紛披不亂饒喉輕清奮翮蕭

散比綠水不全並白雪將半歛翅今於永夜整
毛今於剛旦伸脰逶迤奉足參差修文柳岬度
影花枝循商有序效矩遵規迎風聲細向日韻
奇巧亂鳴於天曉倦紛飛於春暮愛兩足之皆
青憐一身而非素亦喜潛於長林恒來栖於芳
樹履靖

鸚鵡賦

周履靖

本喚寒臯復稱慧鳥效四座之人談發一進之

客笑羈虞網而遭凶信銜魚袋而報吉兆抗鸚
鵡之語嘉匹反舌之聲巧牧童戲弄於牛背之
上稚子擒捕於林樹之杪飛見白羽而低露宿
知黑衣而遠罩過銀塘爭拂水而翔衝絲雨共
穿花而繞結巢來栖古木之中逐隊同翻荒村
之表思婦疑為報信之鴉色似織女悞認修橋
之鵲形小

啄木鳥賦

周履靖

明海補遺 卷之三 六
喬林朽株而冷剛爪利嘴而能翻身若紅錦之
色調舌似黃鐘之音斜露一襠緋奮反開雙翼
綠騰對立而稱異傍鑽而日靈形微而藏槐幹
翅捷而度花亭未破而虛饑腹得飽而遂貪心
恒知匍匐枝頭而聽時向琵琶曲裏而聞穿松
而難見影戛竹而却聆聲入郊而喧剝剝叩屋
而響丁丁攪烟蘿兮絳口迎日馭今翠翎逐稠
葉而飛統傍脩條而經營纔離槎牙木啄已集

荏苒柯鳴渾似僧房之擊磬恍疑野叟之扣門

鷺賦

晉傅咸

有言燕今年巢在此明歲故復來者其
將逝剪爪識之其後果至焉

燕燕于飛差池其羽何詩人之是興信進止之
有序秋背陰以龍潛春踰陽而鳳舉隨時宜以
行藏似君子之出處惡焚巢之凶醜患林野之
多阻諒鳥獸之難群非斯人而誰與惟里人之

爲美託君子之堂寓速來春爾德旋意眷眷而
懷舊一委身乃無餘豈改適而更赴

嬌語並栖輕飛聯羽雖鳥族之微禽知春秋之
節序叢桂吐而已別天桃舒而芳舉望垂柳以
翻舞向頽簷而托處非林麓以翱翔豈市廛而
見阻王謝烏衣得託玉京紅綫可與觀非時而
以遷相斯人則以寓乃懷故而尋常不投新而
忘舊白帝屈而乍歸青皇至而復赴

履靖

鸞巢賦

唐樊晦

鳳凰集於梧桐鷦鷯巢於枳棘俱順時以適理
盡攝生以自得豈如雕梁棋燕葺高巢以安息
既開兆戶逐仙羽以長生或在王進馴主人而
含職識有稟於玄造妙無方今何極頡頏金屋
差池翠宮啣泥統棟度勢巡空憐綺窓之華影
愛羅幌之春風得地相賀分飛就功廣狹殊軌
規模不同散彩彬班攢文準潛疊輕藻而矜暖

布重泥而訝濕跡似連珠形如聚粒霽光分曉
出處實以雙飛微陰合暝舞低簷而並入我室
既真處白自生逼之不懼撫之不驚故烏鵲可
備而窺也龜麟協瑞於太平余所以觸物而作
興唯燕雀之一鳴

不巢於井畔桐不集於籬頭棘匪擇殿樑之貴
非選閣棟而得任茅簷之可栖或草堂苟堪息
營壘欲逸乃察主人之賢栖止求安弗棟主人

之職知春秋而曰靈識人性而曰極頡頏曠宇
呢喃華宮拂楊綠岬翻翼碧空語助鷓鴣之嚶
飛惹羅袖之風烏衣而托紅綫有功稟形無異
習語皆同珠箔雙旋雕欄並立啣芹於灘嘴汚
掠水於溪翅濕引雛穿杏愛子喂粒春色融和
頻逐黃鶯而翔夜光黯淡忡向朱樓而入依棧
居處啄蟲聊生鷹鷂弗畏鷓鴣弗驚不同翡翠
而心泰也無鸚鵡巧而意平余愛其傍我楹而

宿喜繞簾之數鳴

履靖

秋鷺辭巢賦

唐侯喜

漢落葉兮火星西流白露降兮萬物知秋嘉此
燕之有感將辭巢兮命儔命儔兮焉求應節兮
周遊去此集彼正爲良謀經北戶以一息度南
軒而久留久留伊何我翼新整雖華屋之可戀
怯高巢之夜冷不得上下其音翩翩其影射白
日之淹留候令辰之光景乘秋而發且有便於

風高養羽既成亦可知其路求况夫將適之所
必能安據縱眷乎此巢可居固難以久而不去
克有攸往足觀來譽殺氣澄秋晴光滿曙當是
夷景此焉鷺翥遂乃橫絕堦墀遠謀原隰事必
謀始翔而不集空長而矯翼彌高日暮而連飛
轉急同發者或有不進後來者莫能相及巢兮
徒有思其所葺

韶光迅兮若水之流木葉飄兮物亦知秋燕乃

知時而別辭故巢今挈儔挈儔今無求同往今
週遊別此故壘豈彼之謀離回棟而奮翼戀雕
梁而淹留淹留若何祗緣新整喜簷靜而居逸
憐秋高而霜冷無奈曠宇流聲長溪落影雖主
入之可戀值淒涼之蕭景御風而往趨征路之
迢迢舉翅而翩憚歸時之未永若乃眷此弗遷
覩爲可據雖以繾綣而難却其如翻飛之可去
依期而返應候而譽往今秋深還今春曙青陽

一動振羽高翥當此顧望華堂欲離旬隰下上
紛舞仍來翔集秋社辭巢而心驚春分尋主而
性急昨別者其情覺悽復來者相歡何及舊棟
重依故壘還葺履靖

子沈賦

周履靖

名呼住宇別號子規天津而聞形似老鳥西川
而有東川而無暮入翠叢而宿晝穿綠樹而飛
斷腸今感故國啼血今濺花枝不是經年之別

離如何連夜而聲悲數聲今淡烟漠漠餘思今
芳草萋萋叫徹三更今林月而落驚回一枕今
蝶夢而遲年年至春而怨時時勸人而歸蜀帝
而感吳鄉而悲花落盡今數聲春歸去今頻催

大雀賦

漢曹大家

大家同產兄西域都護定遠侯班超獻

大雀詔令大家作賦曰

嘉大雀之所集生崑崙之靈丘同小名而大異

乃鳳皇之匹儔懷有德而歸義故翔萬里而來
遊集帝庭而止息樂和氣而優游上下協而相
親聽雅頌之雍雍自東西與南北咸思服而來
同

喜翩翩之大雀本翱翔于丹丘非羽族之細微
是鸞鷲之佳儔爲遠方之所貢向帝庭今而周
遊同鸞鳳之來儀聲宛轉以優游和芳音于六
律襍宮徵兮雍雍自南蠻與北狄共賓服而攸

同履靖

黃雀賦

周履靖

安知鴻鵠之志不及鳳皇之儀求稻梁而易足
逃羅網而更奇履成而來賀棟焚而不知營巢
而依樓宇得食而擾堦除啣書而瑞應化蛤於
海涯喧鳴繞廊而疾謹囂集棘而遲巡簷而噪
穿屋而飛成群啄粒鼓翅爭枝楊寶德施而報
環王祥孝感而入帷曹植野田之詠王建空城

之辭孺子懷丸欲擊王孫挾彈而追

鷦鷯賦

晉張華

鷦鷯小鳥也生於蒿萊之間長於藩籬
之下翔集尋常之內而生生之理足
矣色淺體陋不爲人用形微處卑物
莫之害繁滋族類樂居匹遊翩翩然
有以自樂也彼鷺鷥鷓鴣鴻孔雀翡翠
或陵霄之際或託絕垠之外翰舉

足以冲天嘴距足以自衛然皆負矰
嬰繳羽毛入貢何者有用于人也夫
言有淺而可以託深類有微而可以
喻大故賦之云爾


何造化之多端今播群形於萬類惟鷦鷯之微
禽今亦攝生而受氣育翩翩之陋體今無玄黃
以自貴毛弗施於器用今肉不登乎俎味鷹鷂
過猶俄翼今尚何懼於罾罟翳蒼蒙龍是焉遊

集飛不飄颻翔不翕習其居易容其求易給巢
林不過一枝每食不過數粒棲無所滯遊無所
盤匪陋荆棘匪榮蒞蘭動翼而逸投足而安委
命順理與物無患伊茲禽之無知今何處身之
是智不懷寶以賈害今不飾表以招累靜守約
而不矜動因循以簡易任自然以爲資無誘慕
於世僞鷦鷯介其翮距鷦鷯軼於雲際鷦鷯竄
於幽險孔翠生於遐裔彼晨鳧與歸鴈又矯翼

而增逝咸羨羽而豐肌故無罪而皆斃徒銜蘆
以避繳終爲戮於此世蒼鷹鷲而受縲鸚鵡慧
而入籠屈猛志以服養塊幽繫於九重變音聲
以順旨思摧翮而爲庸戀鐘岱之林埜慕壠坻
之高松雖蒙幸於今日未若疇昔之從容海鳥
鷄鷓避風而至條枝巨雀踰嶺自致提挈萬里
飄飆逼畏夫唯體大妨物而形壞足瑋也陰陽
陶蒸萬品一區巨細舛錯衆繁類殊鷦螟巢於

蚊睫天鵬彌乎天隅將以上方不足下比有
普天壤而遐觀吾又安知其大小之所如

雖鳥族之種廣兮余獨羨其逸類觀鷦鷯之微
羽兮亦含生而負氣長形於棘枳中兮匪形
之可貴聲難並於黃鶯兮肌難及乎梟味隼
纖而不擒兮胡必畏其置罟藩根而啄籬頭
而集聲弗喧喧飛弗習習所栖得安所食能
給巢林不慕喬枝充飽取足野粒息不畏弋
翔不旋



原件短缺

盤弗希脩梧弗近幽蘭托身乃逸處卑得安知
分靖守天胡譴患何微禽而多謀今擇枝栖而
多智弗修翎而致患今弗振羽而生累性謙處
以弗矜居儉約而甚易聽天命不妄求何肯營
其詐僞蒼鷹仗嘴與距黃鵠高搏天際綠鸚重
於飾羽白鷺處於水裔彼來鴻與去鴈皆遭縶
繳而逝惟翠毛之豐滿反以美而受斃縱結巢
於榮木終殞身於塵世迅鳶捕獲被繫回聲

兄兮弟兮在原而思全身遠世人莫索需

鵝賦

周履靖

嘴黃而如菊蓋眼綠而似菁莪白毛而欺鷺羽
昂聲而混蓮歌修短翅而立磧引長脰而嚙荷
素翎而牽翠荇丹掌而撥清波仲子不食鯢鯢
之肉李愬令擊以亂兵戈右軍之愛書字五千
之餘僖宗之勝價值十萬之多於是却蛇之功
可述警盜之事非虛形潔白而類野鴈音嘹唳

而似關雎栖遲洲渚而盪飲啄稻梁而肥樂江湖而戲荇渚逐鳧鷖而泛蓮漪

野鵝賦 載稅文

宋鮑昭

有獻野鵝於臨川王世子愍其樊繫命為之賦其辭曰

入長羅之逼脅負高繳之樊繫邈辭群而別偶超烟霧而風行踐非跡於瑤途升弱羽於丹庭望征雲而延悼顧委翼而自傷無青雀之銜命

乏赤鴈之嘉祥空穢君之園池徒慙君之

稱梁

悲罟網之羈旅被樊籠以迴縈修文章以軒舉凌風雲而遐行昔奮飛於郊甸今哀鳴於堦庭盼蒼穹而歛翼邈綠野而心傷有驚鴻之被弋無靈鵠之報祥戀曲池之藻荇飽平疇之稻梁履靖次韻

鷄賦

周履靖

春秋題辭而稱火精禮記祀廟而名翰音足博

距而曰武首戴冠而曰文敢鬪敵而恃勇食相
呼而秉仁司時候而盡信兼五德而通靈仙傳
博集而載祝翁繁育而生花羽而異于凡鳥綉
頂而奇于仙禽昂冠叫破瓊田之色鼓翅催殘
玉漏之更宋窓而作人語秦關而法曉鳴祖逖
聞而起舞江適擊而亂兵文王問寢曰孝帝舜
爲善曰勤茅屋幾聲而報午遠村三唱而已晨
栖新鳥而白啼處清霜而明驚起征夫之旅

况喚觸戍卒之邊情武城焉用牛刀之割函關
誰勝下客之能徒知晨昏之術難免庖丁之刑

長鳴鷄賦

晉陸善

夷南鷄之殊偉察五色之異形何伺晨之早發
抗長音之逸聲

冠鶴首之朱頂燦鳳毛之奇形天將曙而拍翅
漏欲沉而發聲

履靖

山鷄賦

宋臨川康王

形鳳婉而鵠峙羽袞蔚而絢暉臨淥湍而映藻
傍青崖而妍飛不隱耀而貽累倏見屈於虞機
綺羽而奪鳳耀繡頸而映日暉立清溪而顧影
遶碧嶂而旋飛絢鴛鴦之文彩馴鷗鳥之忘機
履靖次韻

鬪鷄賦

晉傅玄

或躑躅踟躕喞喞容與或控地俯仰或撫翼未
舉或狼顧鴟視或鸞翔鵠舞或佯背而引敵或

畢命於強禦於是紛紛翕赫雷合電擊爭奮身
而相戟今競隼鷲而雕睨得勢者凌九天失據
者淪九地

或振翼而鳴掀毛而與或爬足呼類或怒目爭
舉或如鷺而立或若鶴而舞或循行以誘敵或
鼓翼而抗禦爾乃威如掣雷勢若雷擊既奮激
而少息今皆沉思而斜睨雄勝者聲徹天威弱
者首垂地履靖

鴨賦

周履靖

格物論曰家鶩之號李處稱云舒鳧之名竟與
鵝而爭食恒隨鴈而作聲朝遊逐鷺之伴晚宿
雜鷄之群去來沙磧之上浮沒波瀾之心花毛
而映蓼黃足而惹萍頭綠而凌芰嘴紅而妬菱
戲撥碧荇今縹亂浴攪白蘋今紛紜羈玉籠今
而作人語倒金囊今而呼其名

楚鶩賦

齊謝朓

有門人斃一野鶩因以為獻予時命以
登俎用待賓客客有愛其羽毛請予

為賦其詞曰

夫何羅人之伎巧薦江海之逸禽落摩天之迅
羽絕歸飛之好音碎文錦之丹臆裂雕綺之翠
襟孤雛驚以靡翼羈雌叫而莫尋越滄流以遠
致乃交質以兼金因闍寺以傳請排遂戶以重
深賢敷祗以取愛願登俎以甘心

嗟彼虞人之角技弋洲渚之玃禽已鍛羽而垂
頭欲聆聲而無音惜翠翅之零落憐錦繡之胸
襟憶翔鳴而何得噴扇澤之難尋何飛舉之致
害燦文羽之售金非潛水之少智豈藏蘆之未
深悲續矢之機發亡遠舉之素心

履靖

野鷺賦

宋王徽

翹翹雙鷺體最羽微和鳴愧鴈麗采慙暈仰鵠
推高瞻隼憫威遵時哢音假日于飛爾乃湛淡

揚瀾俛仰威疇心矜遠野意暢近洲

鷺之為質毛羽非微鴈群亦異文輝可暈霞舉
鷗奮脫然隼威依渚而栖繞塘而飛爾乃出沒
于瀨飲啄于疇日伴藻荇夜宿汀洲

履靖

江曲孤鳥賦

唐王勃

梓州之東南浴江之所合有潭鳥周數
十步青壁絕地綠波澄天常有孤鳥
栖蕩其側飛沉翻啜而天性不違嗟

平宇宙之容我多矣造化之資我厚
矣何必處華池之內而求稻梁之息
哉遂作賦曰

靈鳳翔今于仞大鵬飛今六月雖憑力而易舉
終候時而難發不如深澤之鳥馬順歸潮而出
沒迹已存於江漢心非繫於城闕吮紅藻翻碧
蓮刷霧露栖雲烟迫之則隱馴之則前去就無
失沉浮自然爾乃忘機絕慮懷聲弄影乘駭浪

而神驚漾澄瀾而趣靜耻園雞之戀促悲塞鴻
之赴未知動息而多方屢沿洄而自省故其獨
泛單宿全真遠致反復幽溪淹留勝地傷雲鴈
之嬰繳懼泉魚之受餌甘辭稻梁之惠馬而全
飲啄之志也

紫燕期兮春風白鴈信今秋月度遠塞而黍熟
掠輕翰而花發豈若江曲之鳧鳥泛清漪而浮
沒身但友于鷗鷺夢不馳乎帝闕逐青萍翻紅

蓮漾碧浪觸翠烟隱於蘆畔顯於溪前隨流而
泛迎風蕩然既乃悠悠清聲翩翩素影蘭葉起
而心駭波濤息而神靜嘆征鴻之弗久傷玃禽
之不來遊於渚而外施憩於灘而內省故爾察
其危險樂其幽致契於滄浪遠於陸地哀黃雀
之罹網悲赤鯉之吞餌不求粟而心寧焉甘守
瀨而全志也 履靖

闔鳧賦

晉蔡洪

嘉乾黃之散授何氣化之有靈產羽蟲之麗鳥
惟闔鴨之最精稟離午之淑氣體鸞鳳之妙形
服文藻之華羽備豔采之翠英冠葩綠以曜首
綴素色以點纓性浮捷以輕躁聲清響而好鳴
感秋商之肅烈從金氣以出征招爽敵於戲門
交武勢於川庭爾乃振勁羽竦六翮抗嚴趾望
雄敵忽雷起而電發赴洪波以奮擊
無言鳥族之微亦稟造化之靈張羽翰以相角

决勝敗而稱精雖無鸞鳳之儀亦有鴻鴈之形
身披翡翠之翅毛兼鷓鴣之英借蕉色而爲頂
奪桃艷而爲纓遇雌雄而起鬪混小大而爭鳴
不向青霄奮翼自從綠水飛征惟迴衝于溪許
不相戰于戶庭爾乃躍其足鼓其翮嚴而威猛
而敵觸藻荇以交攻湧波濤以相擊

履靖

鴉賦

漢孔臧

季夏庚子思道靜居爰有飛鴉集我屋隅異物

之來吉凶之符觀之款然覽考經書在德爲常
棄常爲妖尋氣而應天道不踰昔在賈生有志
之士忌茲鵬鳥卒用喪已咨我令考信道秉真
變怪生家謂之天神修德滅邪化及其鄰禍福
無門唯人所求聽天任命眷厥所脩栖遲養志
老氏之儔爵祿之求祗增我憂時去不索時來
不逆庶幾中庸仁義之宅何思何慮自今勤劇
惟彼靈鳥在樊籠居假風以力上玄下隅惟文

賦池初選 卷之五 五
之彰惟德之符著聲于天著形于書橫秋奮冥
失時為妖純性遂養秉恒不踰吐羨含醇用修
在士勿以睨世無以矜已惟彼靈鳥奚晦其真
一舉千仞迺德之神鴻鵠冥冥共接翥為鄰玉巢
芝田詎用以求眷茲朗曜依酒厥修用慚予心
頽頽其儔弗縈所求弗增所憂以恣渺邈以隨
順逆素履是敦素心是宅知黑守白如蠶以勵
履靖次韻

擒鳥賦

周履靖

甲午秋夜孤坐空齋一禽下集兒曹捕
之不知何名却憶賈生見鵬鳥而為
賦余雖不文漫倣孔臧鴟賦韻成之

甲午之秋孤坐閒居忽有一鳥來自庭隅奚童
捕之未卜何符吉凶有定用考于書我心既正
何憚其妖邪昧弗萌典則莫踰村素是敦無為
處士以鳥為鵬何能禍已守黑守雌意薦情真

一念之誠可以通神遭迤滅影禳吉為鄰乖亦
弗誣福亦何求素無妄念正心靜修棲遲丘壑
猿鶴為福山水取樂胸臆忘憂迤已辱榮胡計
順逆以義為常以仁為宅韜光遠養克已為劇

賦海補遺卷之二十五 終

